



प्रकाशक—नवलकिशोर-प्रेस ( हुकडिपो )





\* श्रीः \*

श्री लक्ष्मीधर - विद्यामंदिर  
अर्जुनगीता ।  
(महाभारत-हिमालय)  
प्रकाशक डॉ. चक्रधर जोशी




प्रकाशक

नवलकिशोर-प्रेस-बुकडिपो

हज़रतगंज, लखनऊ.

\* श्रीगणेशाय नमः \*

# अर्जुन-गीता ।



॥ दोहा ॥

हे यादव गोपीरमण, नील जलद तनु श्याम ।  
 अर्जुनगीता रचत हौं, करिके तुमहिं प्रणाम ॥ १ ॥  
 बिघ्नहरण सब सुखकरण, गणपति प्रथम मनाय ।  
 छन्दबद्ध गीता करौं, भाषामहँ सुखदाय ॥ २ ॥  
 मोक्ष हेतु है साधु कहँ, गीता केर बिचार ।  
 कथन नाम है ईश यश, कहौं बुद्धि अनुसार ॥ ३ ॥  
 गुरु के पदपंकज विशद, तिनहीं को धरि ध्यान ।  
 सबै विश्व पावन करन, भाषा गीता ज्ञान ॥ ४ ॥

॥ चौपाई ॥

श्रीगुरुविष्णुकेचरणमनाऊँ जेहि प्रसाद गोविंदगुणगाऊँ  
 श्रीकृष्णार्जुन कीरसवानी । गुरुप्रसाद कछु कहौं बखानी  
 एक समय आये यदुराई । अर्जुन संगम भा एक ठाई  
 धूप दीप लै आरति कीन्हा । चरणोदक माथे पर लीन्हा



हाथजोरि अर्जुन भय ठाढ़े । सहितभगति उरआनँदबाढ़े  
 संशय प्रभुएक हैचितमोरे । कहहुँ सो नाथ दोउकरजोरे  
 दीनदयाल देहु समुभाई । श्रेष्ठ मोक्ष कवने विधिपाई  
 कौनधर्मकीन्हें गतिहोई । सोमोहिंकहहु न राखहुगोई  
 स्थावरजंगम आदिबखानी । कीटपतंग चारिगुणखानी  
 चारिखानि प्रभुतुमहिबनाई । सबसे श्रेष्ठ कौन यदुराई

॥ दोहा ॥

इनमें को अति श्रेष्ठ है, सो मोहिं कहहु बिचारि ।  
 शरण चरण प्रभु राखहु, होहु प्रसन्न मुरारि ॥ ५ ॥

॥ चौपाई ॥

श्रीकृष्णहु बोले बिहँसाई । यहसंशय तोहिकहहुँबुभाई  
 कहैं रसाल बचन यदुबीरा । सबसे दुर्लभ जवन शरीरा  
 मानुषमें बड़ ब्राह्मण ज्ञानी । ब्राह्मणमें बड़ तपसि बखानी  
 तपसीसों बड़ सुनहुकुमारा । मोर नाम जेहि पाण अधारा  
 निसिबासर सुमिरेजोमोई । तेहिते बड़ औरो नहिं कोई

॥ दोहा ॥

एक नाम चित लाइ के, सुमिरे निसदिन मोय ।  
 बिप्र तपस्वी अरु यती, तेहि पटतर नहिं कोय ॥ ६ ॥

॥ चौपाई ॥

अर्जुनबिनवै दोउकरजोरी। बिनतीकरहुँ मूढ़मतिमोरी  
तुमप्रभुआदिअन्तसबजाना। मोपर कृपा करहु भगवाना  
तुमजोकहतपसीबड़आहीं। नाम भजन के पटतरनाहीं  
यहसंशयमोहिंकहहुबुभाईश्रीमुखसुनहुँतोमनपतिआई

॥ दोहा ॥

तपसी तप अधिकार बड़, ज्ञान ध्यान दृढ़ सोइ।  
नामभजहिजोप्राणिनित, तेहिसमान नहिंकोइ ॥७॥

॥ चौपाई ॥

कहत रसाल बचन यदुराई। सुनअर्जुनतोहिंकहहुँबुभाई  
योगरती सुन बृथा कुमारा। तासो बचन कहहुँ निरुपारा  
वर्ष सहसदस बीता जबहीं। आसन दृढ़ तपसीहोतबहीं  
अन्तप्राण त्यागे जो कोई। प्रेम पुरुष पुनि भेटे सोई  
पुष्पकली बिकसे नहिं पाई। अन्तर बास कहाँते आई  
रामनाम सुमिरणनहिं करहीं। कहु अर्जुन कैसे वे तरहीं  
तपसी तप सुनु कुंतिकुमारा। योग यतीकर है व्यवहारा

॥ दोहा ॥

नाम को महिमा जानई, साथै योग अधोर।  
काया आब्रत पावई, सत्य बचन सुनु मोर ॥ ८ ॥



## \* अर्जुन-गीता \* - विद्यामंदिर

५

व्यवस्था ॥ चौपाई ॥

अब सुनु अर्जुन कहौं विचारी । राम भजन के सब अधिकारी  
 राम नाम सुमिरण जो करई । क्षणमहँ भवसागर सो तरई  
 राम नाम भज जो चितलाई । धर्म अर्थ विद्या फल पाई  
 सो गृहस्थ अगणित सुख पावहिं प्राण अन्त बैकुण्ठ सिधावहिं  
 योग सुख दअतिकुन्ति कुमार । तुम सेवचन कहौं निरुपारा  
 योग साध जो प्राणी ध्यावै । तबहीं अमर परमपद पावै  
 भोगनहार तो पार न पावै । जैसे मारग अन्ध भुलावै  
 नाम की महिमा कहत न आवै । क्षण एक भजे अमरपद पावै  
 अर्जुन बचन सुनत हम पाहीं । नाम भजन सम जग कछु नाहीं  
 नाम भजन सुमिरण जो करई । भवसागर क्षणमहँ सो तरई  
 राम नाम जग है आधार । नाम लेत भवसागर पारा  
 भक्त हमार प्राण सम अंगा । सदा रहौं भक्तन के संग  
 सदा फिरौं भक्तन के साथ । शंख-चक्र गदा लिये हाथा  
 गाय संग बछराजि मिरहई । छीर की आश छण कन हित जई  
 सुनु अर्जुन समुभावों तोहीं । मोर नाम मोहन अस मोहीं  
 नाम ब्रह्म चित जाने जोई । आवागमन न ताकर होई

॥ दोहा ॥

पारब्रह्म निश्चय करि, जानो कुन्तिकुमार ।  
तीनिलोक तारे सही, एक नाम है सार ॥ ६ ॥

॥ चौपाई ॥

सुनहु पार्थभाषों मैं तोहीं । नामभजै सो भेंटै मोहीं  
तेहिते मोर कछु ना माया । अन्तकाल चितराखों दाया  
भक्तहमार सदाहित आहीं । आयेयुग कछु अन्तर नाही  
भक्त एक हमहींकर देखहु । भिन्न २ कबहुँ जनि लेखहु

॥ दोहा ॥

भक्त मोर मैं भक्त कर, सुनु अर्जुन ठहराय ।  
एक आत्मा जानहु, तोसों कहौं बुझाय ॥ १० ॥

॥ चौपाई ॥

अर्जुन कहै सुनो यदुराई । यह तौ जानत हौं मनभाई  
भक्तिहेतु मोहिं भेद कछु नाही । यह तो विदित अहै सब ठाहीं  
भक्त तुम्हार सदाहित आहीं । सो विचार अपने मन माहीं  
यह सब तोहिं मैं कहहुँ बुझाई । सुनहु सो अर्जुन तुम मन लाई  
सदा रहहुँ सन्तन के साथ । शंखचक्र गदा लिये हाथा  
और बात तोहिं कहौं बुझाई । मन वचकर्म सुनहु मन लाई



॥ दोहा ॥

मोरे भक्त मोहिं चित धरहि, नाम जपै दिनरात ।  
तेहि कारण सुनु अर्जुन, छाँड़ि सकौं नहिं साथ ॥ १ ॥

॥ चौपाई ॥

जाके घर एक बालक होई । बिपतिपरेहुना छाड़िहिसोई  
पुत्र बाप कर जानै सोई । तेहि प्रतिपाल करे सबकोई  
सुतको पितु जो जानै सोई । बिपतिपरे नहिंछाड़हिंजोई  
भक्त हमार धर्म के बापा । तेहिंसो अर्जुन कहे न आपा

॥ दोहा ॥

भक्त मोरे जब बोलई, राधा कृष्ण मुरारि ।  
तेहि क्षण जिह्वा स्वर्गसे, उत्पति होय हमारि ॥ २ ॥

॥ चौपाई ॥

अर्जुन विनय करत करजोरी । पारब्रह्म सुनु विनती मोरी  
जो तुम कहत सोई परमाना । आदिअन्तमोहितकरजाना  
श्रीमुख वचन मृषा को करई । हरिहर ब्रह्मा मेटि न सकई  
मैंअतिदीननबचनअनंता । भक्तहिंअतिमानतभगवंता  
कहैगोविन्द वचनहितकारी । सुनहुपार्थतुमहृदयविचारी  
हरि प्रह्लाद देवजी आहीं । मम भक्तन के पटतर नाहीं  
मैं जहँजाहुँ भक्त तहँ जाहीं । औरन के आधीनसो नाहीं

चन्द्र सूर्य वायु अरु पानी । इनहूँ महिमामोरि न जानी  
इनकहँ अगमकछू है नाहीं । भक्तमोर पहुँचे क्षण माहीं

॥ दोहा ॥

भक्त मोर मोहि जानहीं, मैं तेहि जानहुँ बीर ।

भक्त मोर मैं भक्तकर, सुनहु पार्थ मतिधीर ॥ १३ ॥

॥ चौपाई ॥

शंकरसुमिरिपरमपदपावहिं । नारदब्याससदागुणगावहिं  
चारिउमुख ब्रह्मा गुणगावैं । सुमिरण करें दर्शना पावैं  
सुरनरमुनिआदिकगुणगावैं । आदिअन्तकोइ पारनपावैं  
ध्रुव प्रह्लाद अमरपद पावहिं । भक्तहेतु प्रभु दर्श दिखावहिं  
कलियुगमेंसंतनसुखकीन्हा । घर बैठे दर्शन प्रभु दीन्हा  
पीपा भक्त औ मीरा बाई । प्रेमसहित भेंटैउ चितलाई  
रामानन्द कबीर गुसाई । इनकी महिमा कही न जाई

॥ दोहा ॥

जेते कलि महँ भक्त भे, कहँ लगि करौं बिचार ।

सबकी आशा पूरई, यदुपति नन्दकुमार ॥ १४ ॥

॥ चौपाई ॥

गुरुविरंचि विष्णुशिवआहीं । यामो अन्तर है कछु नाहीं  
बृथा जन्म ताकर नहिं होई । गुरु शरण महँ जावैं सोई



श्रीस्वामीत्रैलोक्यकेनायकायदुनंदनसन्तनसुखदायक  
 सुमिरत राम सदा सुख पाई। अन्तकाल मुक्ती है जाई  
 गुरु अहैं जग सिरजनहारा। भवसागर से तारनहारा  
 गुरुके बिना अधमगति होई। भलाबुरा चीन्हैं नहिं कोई  
 नावबिनाकेवटकाकरहीं। गुरुबिनु फनको नहिं भवतरहीं  
 निगुरा हाथहिजेजल जोई। मद्यसदृश जानहु जल सोई  
 भक्तन के मुख मेरो बासा। हिरदै बैठि करौं परकासा  
 जोकछुबिष्णुमोक्षपदआहीं। जेतिकमानुषभोजनकरहीं  
 भक्त मोर होवै जो कोई। तुरत प्राप्त मो कहँ सो होई  
 जो मोहिं भक्तन लावै हाथा। उहै उच्छिष्ट कहै यदुनाथा  
 सोहम कहँ पहुँचै नहिं भाई। भक्त मोर पहुँचै क्षण जाई

॥ दोहा ॥

ब्रह्मज्ञान जो मन्त्र है, भगत हाथ सो आहि।  
 कहहु भक्त जो पावहीं, भलमन्दा कछु नाहि ॥ १५ ॥

॥ चौपाई ॥

जो कर मम भक्तन निंदाई। ताकर बंश नाश है जाई  
 तीन दिनतीन पक्ष बचोई। तीन वर्षमहँ बचै न सोई  
 जो इतने महँ दण्ड न देऊँ। चक्रगदा फिर हाथन लेऊँ

॥ दोहा ॥

भगत कष्ट मोहिं ब्यापई, रोम रोम सब अङ्ग ।  
तेहि कारण सुनु अर्जुन, छोड़ि सकौं नहिं सङ्ग ॥ १६ ॥

॥ चौपाई ॥

सुनु अर्जुन मैं कहौं बिचारी । तुम तो मोर प्राणहितकारी  
जो हम कहहिं सत्य है सोई । पूर्वपुण्यविनु भगति न होई  
पद्मपत्र जौनीविधि बिकसे । मोर भक्त पार्थ सुनु तैसे  
उत्तम भक्ति उदित जब होई । वैष्णव नाम पाव तब सोई  
तेहि महँ गुरुमुख सदा खराई । चरण छुवत पावत छय जाई

॥ दोहा ॥

अर्जुन कहैं गोसाँइ जू, चरण छुवत हौं श्याम ।  
केतिक गुरु करिये प्रभू, केतिक लीजै नाम ॥ १७ ॥

॥ चौपाई ॥

यह सुनि हर्षिक ह्योवनवारी । देखहु अर्जुन मनहिं बिचारी  
एकै गुरुविष्णु सम आहीं । तीन लोक तिन पटतर नाहीं  
एकै नाम सदा चित देहीं । चौदह भुवन वश्य करि लेहीं  
गुरु सोइ जो लागे उकाना । तेहि काजाने उविष्णु समाना  
गुरु को मंत्र भूल जो कोई । मुख ते सिखे दोष नहिं होई  
सत्य गुरु करिये दुइचारी । ज्ञान गुरु सब सिखैं विचारी



आनगुरुमुखकानजोलागै। कोटिजन्मशिरपातकलागै  
जो मुख पाप गुरु कह कोई। माया लोभ करै जो कोई  
गुरुशिष्य जानै भलकीन्हा। यमके पाशहाथमहँ लीन्हा

॥ दोहा ॥

अर्जुन कहा गोसाँइ जू, कैसे जिय पतिआइ।  
गुरु कान जेहि लाग सो, कैसे यमपुर जाइ ॥ १८ ॥

॥ चौपाई ॥

सुन अर्जुन तोहिकहौं बुझाई। जो तुम्हार जीवहु पतिआई  
पुत्र आनकर अपना करई। सो प्राणी कैसे निस्तरई  
जैसे त्रिया सोहागिन होई। स्वामिछाँड़ि औरसँग जाई  
पहिले दुइकुल नास करावै। जहाँ जाइ तहँ अपयश पावै  
जगमें यश एकौ नहिं पावै। प्राण अन्तयमलोक सिधावै  
दुइ नौका पगदेइ जो कोई। माँझधार में डूबै सोई  
प्रथमै मंत्र गुरुको दीन्हों। तेहिते नेमधर्म ना चीन्हों  
अवरो मंत्र देइ जो कोई। तौ जानहि दोष तेहि होई

॥ दोहा ॥

यह सब दोष गुरु कहँ, सीख न माने कोय।  
कुम्भीपाक नरकमहँ, निश्चय जावै सोय ॥ १९ ॥

॥ चौपाई ॥

नाना बेद पढ़ै जो कोई । गुरुमुख वचन समान न होई  
 गुरु कहँ पूछ जाय जहँ जानौ भयचिन्ता हिरदय न हिंआनै  
 चार बेद मुख पाठ बखानै । अन्तरगतिसोयहन हिंआनै  
 पढ़त पढ़त सब जन्म गँवावै । नाम की महिमा जानि न पावै  
 निश्चय नाम जो चित हिल गावै क्षण इक भाव परम पद पावै  
 सिद्ध समाधि लगावै जोई । नाम की महिमा जानत सोई  
 भूमि समान दान जो करई । लक्ष योजन नाम जो धरई

॥ दोहा ॥

तीरथ व्रत अरु यज्ञ करि, बहुत विचारे बेद ।  
 सहस्र योजन नाम ते, जाइ रहा सब भेद ॥ २० ॥

॥ चौपाई ॥

जिन ब्रह्मा सब सृष्टि सँवारी । नाभि कमल ते भये हमारी  
 ब्राह्मण होय बेद सब पढ़हीं । मोर नाम जो चित माँधरहीं  
 विद्या वेद न भूले सोई । भोजन रस जाने कस होई  
 स्वपना भक्त मोर जो होई । तेहि समान अर्जुन ना कोई  
 यह संसार राम से भयऊ । कोटि कोटि युग बीतत गयऊ  
 विष्णु किमाया यह संसारा । राम नाम ते छुटहि कुमारा



सुनु अर्जुन मैं कहौं बखानी। नाम की महिमा हम हुँन जानी  
प्रथमहि यह भाषा मैं तोहीं। नाम भजै सो भेटै मोहीं

॥ दोहा ॥

कहत खोरि मोहि लागई, सुनहु बचन भगवान।  
महिमा तुम्हरे नाम की, कैसे जानहि मान ॥ २१ ॥

॥ चौपाई ॥

सुनु अर्जुन तैं मन दृढ़ लाई। यह संसय तोहिं कहौं बुझाई  
तीरथ व्रतन करै नर जोई। अमित पुण्य फल पावै सोई  
आसन बैठि मोर गुण गावै। कोटि तीर्थ तेहि ठौर हि पावै  
लक्ष्मी पति सङ्ग सौं आहीं। नाम की महिमा जानत नाही

॥ दोहा ॥

चन्द्र सूर्य अरु पवन जल, नवग्रह सकल नक्षत्र।  
माया मोरि न जानहीं, कोटि जपै जो मन्त्र ॥ २२ ॥

॥ चौपाई ॥

नाम सुमिरि शिव अमर जो भय ऊजन्म मरण कर संशय गयऊ  
नाम स्मरण महीश बकीन्हा तिल समान धरती धरलीन्हा  
राम नाम सुमिरन ध्रुव कीन्हा। पदवी अचल तेहि कारण दीन्हा

॥ दोहा ॥

राम नाम निश्चय करि, जानहु कुन्तिकुमार।  
चारि बेद मो अर्जुन, दुइ अक्षर है सार ॥ २३ ॥

॥ चौपाई ॥

सुनहु बचन देवन को देवा । अर्जुन कहत बिनय करि सेवा  
केहि विधि मोगति होइ गुसांई । सो मोहिं सोच कह्यो यदुराई  
बहु पापी दोषी मैं सोई । भाषहु सो नहिं राखहु गोई

॥ दोहा ॥

केतिक पाप करै नर, कौन दण्ड है ताहि ।  
हिरदय गती बिचार कै, प्रभु भाषौ मोहिं पाहि ॥ २४ ॥

॥ चौपाई ॥

अर्जुन सुनो कहौ मैं तोहीं । जो अति हित करि पूछे मोहीं  
सतपालन प्राणी जो करहीं । लज्जित है यदुपति अब कहहीं  
सहस्र पाप मुख बाहर होई । बचन कहै बूझै ना कोई  
एकलख पाप करै नर जोई । कञ्चन काया कुष्टी होई  
दश सहस्र पातक जो करहीं । दुःखी रोग ग्रसित है मरहीं  
कोटि पाप करि अन्धा होई । भला बुरा चीन्है ना कोई  
ताते पापको यह फल भाई । बधिर होइ श्रवनहिं न सुनाई  
एतना पाप वर्ण जो करहीं । घर घर भिक्षा माँगत फिरहीं  
माँगै भीख न पावै दाना । ताके पापको लेख न आना  
पापको टिडुइ कर जे प्रानी । सन्तति हीन अधम करि जानी



ताकर मुख भोरहिं जो देखै । महापाप अपने शिर लेखै  
 जोमुखदेखि करै असनाना । द्वादसपल सोनादेइदाना  
 अन्तकीबातकहबना तोहीं । महिमाकछुएकबेवराओहीं  
 तेहिके बचन उतर जो देई । महापाप अपने शिर लेई  
 दुइ असनान करे जो कोई । तब तेहि पाप ते छूटे सोई  
 शुभकारज बोले जो कोई । निश्चय कार्य नाशताहोई  
 अर्जुन बिनवै द्यौकरजोरी । सुनहुनाथएक बिनतीमोरी  
 यदुपतिसर्वपूज्य भगवाना । सबकर जानहुएकसमाना  
 निर्वशी जेतक जग आहीं । धर्मवन्त कोउअहै किनाहीं  
 भला बुरा सब हैं यहि ठाई । सबकर भेद कहौ यदुराई

॥ दोहा ॥

उत्तम मध्यम नीच के, कह्यो भेद मोहिं पाहि ।  
 तुमहिं बिना जगजीवन, औरहिपूछहुँ काहि ॥ २५ ॥

॥ चौपाई ॥

सुनुअर्जुनमन ज्ञानबिचारी । यह संसार जे पार उतारी  
 जे शंकातुम पूछेहु मोहीं । सब वृत्तान्त कहौ मैं तोहीं  
 अपुत्रीक प्राणी जो होई । सत सङ्गति पावै नहिं सोई  
 भावभक्तिजोचितनहिधरहीं ॥ निश्चयज्ञान हृदयमहँकरहीं

भावभजन महँजोचितलाई । ताकर पाप सबै क्षयजाई  
 कोई कथा जो मोरचलावै । तहाँजायनिश्चय चितलावै  
 भक्त हमार जहाँ गुण गावैं । तिनके चरणन शीश नवावैं  
 धर्मकर्ममहँ निश्चय रहहीं । मुक्तहोयसंशय नहिं भ्रमहीं  
 सर्व जीवमय करुणा राखै । सत्यहिं बोलै भूठ न भाखै  
 कामक्रोधको चित्त न धरई । गौ ब्राह्मण की रक्षा करई  
 हिरदय सदा मोरगुण गावै । अपुत्रीक बैकुण्ठ सिधावै  
 और बात कहों मैं तोहीं । मिले न तृणबिन आज्ञामोहीं  
 अर्जुन भाष दोउ करजोरे । संशय एक उपज मनमोरे  
 जन्मतोआखिरजगमहँहोई । पाप कियेबिन रहै न कोई  
 तातजोमोहि भयउ सन्तापा । कैसे देह होय निष्पापा  
 पापिननामकहौसमुझाई । तिनकरपापकौनविधिजाई  
 और बात तोहि पूछोस्वामी । तीनलोक के अन्तरयामी  
 गोहत्या प्राणी जो करई । केतिक दिनमें सो निस्तरई

॥ दोहा ॥

यह संशय जगदीश जू, मो मन उपजो आय ।  
 भिन्नभिन्नके स्वामि जू, सो मोहि कहो बुझाय ॥२६॥



॥ चौपाई ॥

अर्जुन सुनहु एक चितलाई । सब वृत्तान्त कहौं समुझाई  
 गो हत्या प्राणी जो करई । ज्ञान ध्यान कीन्हें निस्तरई  
 तीरथ व्रत न करे नर जोई । युग बीतेबिन पाप न खोई  
 त्यस्रा पात्र कहौं अधिकारई । चारो युग बीते क्षय जाई

॥ दोहा ॥

इन कर यह व्यवहार है, सुन अर्जुन चितलाय ।  
 ऋण हत्या गति कठिन है, दिये बिना नहिं जाय ॥ २७ ॥

॥ चौपाई ॥

अर्जुन कहै सुनो यदुराई । ऋण हत्या कौने विधि जाई  
 दिये बिना ऋण छूटत नाही । तेहिमें यह व्यवहार जो आहीं  
 साधु पुरुष ऋण काटै कोई । दण्ड भये बिन बचै न कोई  
 हमलवलीन प्राणि जो रहई । ऋण चिन्तानि सिवा सर करई  
 साधु सङ्गमहँ माँ गुण गावै । प्रेम-भक्ति हिरदय में लावै  
 एक चित्त जो मोपर राखै । भला बुरा नहिं मुखते भाखै  
 साहु को आवत देखै जबहीं । बिमुख होयरहे नहिं तबहीं  
 धाय धूप ऋण मोचत जाई । जो कछु जरै सो दे पहुँचाई  
 धाय धूप ऋण होय न पारा । तेहिके दोष न कुन्ति कुमारा



जोहिके चित्तसदा असआहीं। छूटे ऋण संशय कछुनाहीं  
साहु सो साँच रहै मनमाहीं। मन्द होय तो पहुँचे ताहीं  
तेहि प्राणी कोय मनहिं लेहीं। अगला जन्मों सुखित सन्देहीं  
साहुकार जो धरता होई। तो पाये खाये सुख सोई

॥ दोहा ॥

ऋणकर यह बृत्तान्त है, सुन अर्जुन चित लाय।

जहाँ आश है जाहि कर, तहाँ देउं पहुँचाय ॥२८॥

॥ चौपाई ॥

अर्जुन कहै सुनो भगवाना। यह तो उत्तम कर परमाना  
उत्तम बुद्धि ऋण करजा होई। पुनि उत्तम गति पावै सोई  
ऋण काढ़ै अस पापी जाना। सोक सगति पावै भगवाना

॥ दोहा ॥

धर्मवन्त ऋण काढ़ै, पावउँ ताकर अन्त।

पापी जन जो लेइ ऋण, कहौं तासु बिरतन्त ॥२९॥

॥ चौपाई ॥

अर्जुन सुनो एक शुभ बानी। यह बृत्तान्त तोहिं कहौं बखानी  
ऋण को काढ़ि दान दे कोई। मिथ्या अहै उचित नहिं सोई  
ऋण काढ़ै पाले परिवारा। सो मिथ्या नहिं आर्य कुमारा  
ऋण काढ़ै भूठा प्रण करई। नीच सङ्ग नारि परिहरई



चौकनचौकनफिरेउतंगा। नारिछोड़िनिजकरिपरसंगा  
 साहुको आवत देखे जवहीं। जाय छिपाय रहे पुनितबहीं  
 खायपिये ऋणदेननचाहै। यहकरपापसोनिशिदिनराहै  
 प्राण अन्त तेहियमले जाई। तेहिकर अस्तुतिकरै बनाई  
 चमरा काटिके बेंत लगावै। पंथ माहि घिसियावत लावै  
 पहिले लै सेमर में बाँधै। तप्तफार तेहि मुख में साधै  
 लोह की लाठी से पिटवाई। अंग अंग काँटा चुभवाई  
 तहवाँते पुनि बेगि लै आवै। तावापर तेहि पुनि बैठावै  
 तेहिके तर पुनिआगलगावै। ऊपर तेल आँचि ठरिकावै  
 कष्ट अनेक देहि तेहि भारी। नरककुण्ड में राखहिडारी

॥ दोहा ॥

केतिक दिन तेहिनरकमहँ, तहँ तेकाढ़ि पुनि लेहिं।

अङ्ग भङ्ग करके पुनि, जन्म नीच घर देहिं ॥३०॥

॥ चौपाई ॥

पुनिवह जगमें से निस्तरई। धरता होय वहीं सो भरई  
 आधा अंगहि मोरत आई। तिहिते अन्त कहा समुझाई  
 तीन लोक मेरे ऊपर माहीं। सबकर तन्त्रमन्त्रमोहिपाहीं  
 यह संसार जहाँ लगि होई। मम आज्ञाबिन अहै न कोई

नित उठिभोजनसबको देऊँ । सबकीखबरसाँझकोलेऊँ

॥ चौपाई ॥

जौन अहार जन्तु जो खाई । ताकर तैसे देऊँ पहुँचाई  
मम आज्ञाबिन अन्न न पावै । कोटिभाँतिकरियुक्तिबनावै  
सबको आस हमारी आही । सुनुअर्जुनतोसोंसतकाही  
कीटपतङ्ग में बास है मेरा । मैही हौं रक्षक सब केरा

॥ दोहा ॥

एक आत्मा जानहु, दूसर तिहुँ पुर नाहिं ।  
कहों गुप्त कहि प्रगट है, सुनु अर्जुन मन माहिं ॥३१॥

॥ चौपाई ॥

अर्जुन कहै दोउ करजोरी । आदि अन्तशरणागततोरी  
श्रीयदुपति त्रिभुवन के कर्ता । दुष्टदलन सन्तनदुखहर्ता  
आदि अन्त भक्त भयहारी । सब में व्यापक देख मुरारी  
जो तुम कहो सोइ मैं जाना । औरहुकथाकहोभगवाना

॥ दोहा ॥

धर्म जन्म कवने विधि, कवने जनमै पाप ।  
सो स्वामी कह देउ मोहिं, उपजा बड़ संताप ॥३२॥

॥ चौपाई ॥

धर्म पण्य कीन्हें यश होई । दया करै तो जन्मे सोई



क्षमाते धर्म चलै यश होई । लोभ तेज जो जन्मे सोई  
काम वस्तु सम्पूर्ण होई । उत्तम गति पावै पुनि सोई

॥ दोहा ॥

यहि विधि जानो अर्जुन, पाप पुण्य उत्पाति ।  
तुम तो मोरे प्राणहित, कहौ वेद बहु भाँति ॥ ३३ ॥

॥ चौपाई ॥

अर्जुन ठाढ़ भये प्रभु आगे । हाथ जोरिके पूछन लागे

॥ दोहा ॥

बेदन बिषै बिचारि के, माँहि कहो नन्दलाल ।  
कवन कर्म के कीन्हें, प्राणि होय चण्डाल ॥ ३४ ॥

॥ चौपाई ॥

अर्जुन सुनहु कहत भगवाना । इतनी बात सुना परमाना  
ब्राह्मण ब्रह्म कर्म नहिं राखै । देवलोक सबही प्रतिभाखै  
बिना दतनी भोजन करई । सोचाण्डाल कृष्ण अस कहई  
देवन पूजै बिन पग धोये । अर्जुन सुन चण्डाल है सोये  
जाके मात पिता बृध होई । सेवा करै पुत्र ना सोई  
ताही को तुम मृत करि जानौ । अर्जुन सोचाण्डाल हि मानौ  
पूर्ण गर्भ नारि जो अहई । ताकर पुरुष सङ्ग तेहि करई  
हत्या तुल्य पाप है ताही । अर्जुन सुन चाण्डाल सो आही

आगि लगाय के देइ जराई। मुरा अमिषनि शिवासरखाई  
 महापाप निश्चय सो जाना। सो अर्जुन चंडाल समाना  
 बच्छा गाय बिछोह करावै। सो प्राणी चण्डाल कहावै  
 अर्जुनसों ये कहैं नन्दलाला। पक्षिन में कागा चंडाला  
 पशुअन में गर्दभ को मानो। बनस्पतिन में ताड़ बखानो  
 पानी पियत गाय खेदवावै। सो प्राणी चंडाल कहावै  
 तेल लगाय न कर अस्नाना। सो प्राणी चंडाल समाना  
 रति करि जो न करै अस्नाना। सो प्राणी चंडाल समाना

॥ ४६ ॥ लाइए पावै ॥ इनक के एक नरक

अर्जुन कहा गोसाईंजू, यह जानत कछु नाहिं।

कवन दान के दीन्हें, कवन पुण्य है ताहि ॥ ३५ ॥

॥ चौपाई ॥

हित करि अर्जुन पूछेहु मोहीं। दान की विधि भाखहुं मैं तोहीं  
 दश गोदान देइ जो कोई। एक धेनु फल पावै सोई  
 धेनु दान दश दे जो कोई। साँड़ एक दीन्हें फल होई  
 दश साँड़ दान जो देई। कपिला एक दिये फल होई  
 कपिला दान करे दश जोई। कन्या दान दिये फल होई  
 दश कन्या दे दान जो कोई। बिगहा भूमि दिये फल होई



दश विगहा भूमि दे कोई । ज्ञान ध्यान फलपावै सोई  
दान ध्यान कहि ज्ञान कलेषा । आसन उनकर सुनिय विशेषा

॥ दोहा ॥

जैतिक दान करै नर, तेहि फल पावै सोइ ।  
शालिग्राम के दान सम, और दान ना कोई ॥३६॥

॥ चौपाई ॥

सुनु अर्जुन निश्चय कै भाखौ । सो तुमनि जहिर दय मोरा खौ  
आसन भेद जो पूछहु मोहीं । सो सब भेद कहौ मैं तोहीं  
बस्तर आसन ध्यान लगावै । दुखी होय कछु फल ना पावै  
पत्थर आसन जपे जो कोई । सुनु अर्जुन सो रोगी होई  
भूमि आसन जपे जो कोई । ताको कछु पुनि पापन होई  
यहि आसन करयहु गुण होई । निश्चय अर्जुन मानो सोई  
अवरो आसन सुनो कुमारा । उत्तम गति पावै संसारा  
मृगछाला आसन बैठावै । करै भजन मुक्ति गति पावै  
जो घर बैठि जपे मम नामा । सुत कलत्र देऊँ धन धामा  
मुनिन केर आसन जो आहीं । मनुष्य महिमा जानत नाही  
कुश आसन जो ध्यान लगावै । ज्ञानी होय सिद्ध फल पावै  
काम क्रोध तजि ध्यावै जोई । नेम धर्म फल पावै सोई

॥ दोहा ॥

तब अर्जुन कर जोरिके, कहा सुनो यदुराय ।  
सदा संयोग न पावै, ताको कौन उपाय ॥ ३७ ॥

॥ चौपाई ॥

कृष्ण कहहि अर्जुनहि बुझाई सदा संयोग आसन नहि पाई  
तेहि कर एक अहै परकारा । सो मोसे सुनु कुन्तिकुमारा  
तृण एक जहाँ तहाँ ते लावै । द्वादश अंगुल प्रमाण बनावै  
अर्जुन कहै दोउ कर जोरी । और कछु बिनती प्रभु मोरी  
आसन विधि पूछे उँ भगवाना । तुम प्रसाद पाय उँ ब्रह्मज्ञाना  
भजन भेद भाषौ यदुराई । कौनी भाँति कौन फल पाई  
कौनी माल कौन फल होई । सो मोहिं कहौ न राखौ गोई

॥ दोहा ॥

सुनहु स्वामि जगजीवन, यदुपति नन्दकुमार ।  
भजन भेद जिमि जानहु, श्रीमुख कहौ बिचार ॥ ३८ ॥

॥ चौपाई ॥

सुनु अर्जुन निश्चय चितलाई । भजन भेद तोहिं कहौ बुझाई  
अंगुल रेख भजन जे करई । अष्टगुण फल प्राप्ति सो करई  
मोतिन माल भजन जो करई । दशगुण फल तेहि नर को होई  
खमणि माल जपै जो कोई । द्वादश गुण फल ता को होई



कमल माल जपै जो कोई । सहसगुणाफलताकोहोई  
 सुवर्णमाला जपै जो कोई । एक कोटि फलताकोहोई  
 कुशकाँड़ी माला जप जोई । दशकोटि फल ताकोहोई  
 पद्मफलमाल जपै जो कोई । पन्द्रह लक्षताहि फलहोई  
 चन्दनमाला जपै जो कोई । दश सहस्र कोटि फलहोई  
 रुद्राक्ष माला जपै जो कोई । बारह कोटि ताहि फलहोई  
 तुलसीमाल जपै जो कोई । ताकरफलमोगिनती न होई

॥ दोहा ॥

भजन भेद सब भाषेहूँ, सुनु अर्जुन चितलाय ।  
 और कछू जो पूछहूँ, सो मैं कहौं बुझाय ॥ ३६ ॥

॥ चौपाई ॥

अर्जुन कहै सुनौ बनवारी । औरो कहोपिताम्बरधारी  
 केहिंके छुये दोष है स्वामी । सोविचारकहु अन्तर्यामी  
 सुनुअर्जुन तू एकचितलाई । यहसंशयतोहिकहौंबुझाई  
 मक्खी विष्णुअंश जोआही । तेहि बैठे कछुदोषहैनहीं  
 देवन के भोजन छुइ जाई । है निश्चितसोभोगलगाई  
 भक्ष्याभक्ष्य मँजारी खाई । वाही मुख भोजन छुइ जाई  
 यहिबातन कछु दोषनआवैहै निश्चितसोभोगलगावै

निजनारीसंगशयनजोकरहीं। अंतकिये कछु दोष न होहीं  
 बात कहे मुख थूकै जोई। तेहिकर दोष कछू नहिं होई  
 हाथ एक तृण तोरै जोई। चाण्डाल मानव सो होई  
 अर्जुन सत्य सुनो हम पाहीं। तेहिकर दोष कछू नहिं आहीं  
 अर्जुन कहै सुनो भगवाना। एक वृक्ष पर आछे जाना  
 नाव एक दिशि हाँडी होई। अन्त राँध राखै जो कोई  
 तेहिकर दोष कछू ना अहहीं। निश्चयवचन कृष्ण जो कहहीं  
 ब्राह्मण केहि नारि जल देई। भिक्षा अपने बासन लेई  
 दोष न अहै कृष्ण अम कहहीं। द्वादश अंगुल बीच जो रहहीं  
 सेज भूमि पर सोवत ओई। एक चण्डाल शूर जो होई  
 राजा पीठ पर बैठे सोई। ताकर दोष कछू ना होई

॥ दोहा ॥

भजन भेद सब भाषेउँ, मुनु अर्जुन चितलाय।  
 औरहु जो कुछ पूछहु, सो मैं देउँ बताय ॥ ४० ॥

॥ चौपाई ॥

अर्जुन कहै सुनो भगवाना। तुमहीं छाँड़ि न जानौं आना  
 इनको भेद कहो यदुराई। जिनकर बंश नाश हुइ जाई



॥ दोहा ॥

कवन पाप से स्वामिजू, बंशनाश होइ जाय ।  
 कृपा करो गोसाईंजू, मोहि कहो यदुराय ॥ ४१ ॥

॥ चौपाई ॥

सत्यबचन सुनु कुन्तिकुमारा । यहि बात न कर करो बिचारा  
 जौन नारिके सुत नारहई । निशि दिन पर पुरुष न मन धरई  
 श्रीस्वामी को चित्त न लेवै । बात कहत उत्तर सो देवै  
 पीहर दुइकुल अपयश पावै । प्राण अंतयम लोक सिधावै  
 और कथा सुनु अर्जुन सोई । बंशनाश जेहि कारण होई  
 सत्यबचन बोलै नहिं प्यारा । चित्त मों बसे पराई दारा  
 सभा बैठि परनिन्दा करई । कान लगाइ कै नृपसों कहई  
 परधन काढ़ि द्रव्य जो देई । सो संताप आपनो लेई  
 जो पराइलेइ सुख सो खाई । ताकर बंशनाश होइ जाई  
 ऊँच नीच ना करै बिचारा । सदा अनीत संग परदारा

॥ दोहा ॥

परजहिं सदा सतावई, पाप पुन्य नहिं जान ।  
 बंशनाश होइ तेहिकर, सुन अर्जुन परमान ॥ ४२ ॥

॥ चौपाई ॥

अर्जुन सुनो एकचितलाई । जेहि घर गैयां होय अधिकाई  
गर्व करै तो सकै न रोकी । रोग व्याधि जो गायन व्यापी  
ताको बंश नाश होइ जाई । यह जानो निश्चय तुम भाई

॥ दोहा ॥

अर्जुन कहा गोसाँइजू, पायउँ सब कर अन्त ।

पाँचरत्न जग कहत हैं, वर्णहु सब भगवन्त ॥ ४३ ॥

॥ चौपाई ॥

श्रीगोविन्द कहैं शुभवानी । मुनु अर्जुन तेहि कहौ बखानी  
ठाकुर को यह सब मुख देई । दुख संकट अपने शिर लेई  
मीठा बचन सो सब दिन भाखै । दया धरम हिरदय में राखै  
भाव भक्ति सो भाषण करई । करै सहाय बचन सम करई  
परै अकाल प्रजा प्रतिपालै । दुःख परै तो सत्य न धालै  
भक्ति होत तो दे पहुँचाई । आश निराश कबहुँ ना जाई  
ब्राह्मण गायकी रक्षा करई । नेम धर्म अपने मन धरई  
उत्तम नारि गाँव में देखै । जस कन्या अपने घर लेखै  
दंड भंग करि कछु ना लेई । विपनि द्रव्य कबहुँ ना देई

॥ दोहा ॥

यह लच्छन कर ठाकुर, भक्ति भाव कर जान ।



एक रत्न सो अर्जुन, सत्य कहैं भगवान ॥४४॥  
 जौनत्रियानिश्चयचितहोई। धर्म कर्म हित राखैं सोई  
 स्वामी केर करैं नित पूजा। और पुरुष नहिं जानैं दूजा  
 मात पिता स्वामी कर होई। अपनाई करि जानैं सोई  
 ब्राह्मण गाय देवसम जानैं। यह अपनेमननिश्चय मानैं  
 भिक्षुक आयनिरासन जाई। जो कुछ जरै सो देइ मँगाई  
 पतिव्रता सो सती कहावै। आप तरै दुइ कुलन तरावै

॥ दोहा ॥

यहि लक्षण की भामिनी, मुनु अर्जुन चितलाय।

एक रत्न सो जगत महँ, सत्य कहै यदुराय ॥ ४५ ॥

॥ चौपाई ॥

जो नर होय समर में शूरा। धीरज साहस मुखको पूरा  
 ताकर स्वामि जोरण में हारै। स्वामी को संकट जो टार  
 लागो घाव न मानै हारी। संकट परे देवता चारी  
 जियत रहै तो फेरिले आवै। जू भै स्वामी कार्य सिधावै

॥ दोहा ॥

एक रत्न अस शूमा, अर्जुन जानो सोय।

जियत जगत यश पावई, मुये मुक्तिपद होय ॥ ४६ ॥

॥ चौपाई ॥

भाग्यवन्त नर जगमाँ कोई। अन्न चित्त सम्पूर्ण होई  
 प्रथम सावधान गृह रहई। अहङ्कार कबहुँ नहिं करई  
 अपनेकुटुम्बजहाँलगी जानै। मायागर्व बीचनहिं आनै  
 भाई बन्धु और जो कोई। यार दोस्त बैरी किन होई  
 बाहर के आवै मेहमाना। ताको बिदा करै सनमाना  
 सबकर आदर करै बनाई। बिदा करै बहु प्रीति बढ़ाई  
 दुखितदेखिचित्तदयाजोकरई। भक्ति हमार हृदयमाँ धरई  
 गोब्राह्मणदेवन सम जानै। कुलकुटुम्बकी लाजनमानै  
 भक्तहिं देखि विष्णुसम पूजै। अवर देव नहिं कबहुँ नदूजै  
 एक निन्दा परवाद न जानै। परनारी माता सम मानै  
 भयमदानधर्महुँ कछु करहीं। कछु २ वेद पुराणहुँ सुनहीं

॥ दोहा ॥

यह लच्छन धनवन्त कर, सुनहु सो कुन्तिकुमार।  
 एक रत्न जग जानिये, निश्चय वह संसार॥ ४७॥

॥ चौपाई ॥

रविशशिभक्त एक सम आहीं। तुम तो जानत हौं मनमाहीं  
 तेहिकर अब मैं करौं बखाना। मैं अपने मन तेहिका जाना



नाम हमार जपै दिनराती। ताको तुम जानहु बहुभाँती  
अर्जुन कहै सुनो यदुराई। भक्त तुम्हार प्यार सब गाई  
नाम तुम्हार जपै दिनराती। तेहिनरको मानहुँ बहुभाँती

॥ दोहा ॥

जहँ लगि प्राणीमात्र है, सब में बास तुम्हार।  
तिनमहँ कोहै प्रियतुमहि, सो मोहिकहो बिचार॥ ४८॥

॥ चौपाई ॥

सुन अर्जुन मैं भाषौ तोही। जानहु सत्य मृषा नहिं होही  
आनन्दित भिन्नानित करई। सो प्राणीमोकहँ प्रिय अहई  
नारीसती जात महँ जोई। तेहि पठवा मानब नहिं कोई  
अर्जुन बहुरि कहै करजोरी। पारब्रह्म सुनु बिनती मोरी  
और एक संशय प्रभु मोरे। बिनवौ नाथ दोउ कर  
नाथ पवन जो आवै जाहीं। ताकर मर्म कहौ हम पा

॥ दोहा ॥

पवन गवन जहँ जानहू, सो मोहि कहौ बुझाय  
कवन काम गोसाइँजू, कवन काहिलग जाय॥ ४९॥

॥ चौपाई ॥

सुन अर्जुन तोहिकहौ बुझाई। कौन काम कहाँ लगि जाई  
कवने आसन मम जप करहीं। द्वादश अंगुल मारुत बहहीं

अर्जुन गाढ़ होन की बारी । सोरह अंगुल बहै बयारी  
 साथ चलै जब अर्जुन बीरा । सोरह अंगुल बहै समीरा  
 बात कहत सब पवन सयाना । छत्तिस अंगुल करै पयाना  
 काम करत जब प्राणी पावै । एकतालिस अंगुल श्वासाधावै  
 जब प्राणी को निद्रा आवै । चौदह अंगुल श्वासाधावै  
 जब नर नारी सोरति करहीं । बावन अंगुल श्वासावहहीं  
 जब प्राणी को रोग सतावै । चौंसठ अंगुल श्वासाधावै  
 बिंशति जितने पवन प्रकाशा । तिनका जानहु कालहि ग्रासा

॥ दोहा ॥

पवन गवन के अर्थ सुनि, वहाँ जन्म वृत्तन्त ।

सब शरीर कै अन्त प्रभु, नर सों पावन अन्त ॥ ५० ॥

॥ चौपाई ॥

मन्य अर्जुन य हम नहिं बिचारी । अरु अस्तुति बिनती अनुसारी  
 बिनती सुनहु मोरिय दुराई । व्यास जन्म सुधिमन मोहि आई  
 ब्रह्माका नाता सो आहीं । तुम सों भेद छिपी कुछ नाहीं  
 यह संशय मोहिं नन्दकुमारा । केवट तनय कहै संसारा

॥ दोहा ॥

आदि पुरुष तुम स्वामिजू, सब कर जानहु अन्त ।

व्यास देव केवट तनय, तौन कहहु बिरतन्त ॥ ५१ ॥



॥ चौपाई ॥

मुनुअर्जुनसमभावोंतोही। जेहिबिधिजन्मब्यासकरहोही  
 सरजू नदि पश्चिम में आई। आपन रूप धरा तहँ ठाई  
 ताही समय राज गृह गयऊ। बिधिसंयोग भेंट तहँ भयऊ  
 युवती सुघर देखियत माहीं। मोहित भए मनहिं हरषाहीं  
 राजापुनितेहिकरधरलीन्हा। हर्षवन्त ह्वैरतिरसकीन्हा  
 राजाबहुरिअन्तःपुरगयऊ। केतिकदिनवहिबातनभयऊ  
 कन्यादान दीन जब आई। ताकहँ तबै दीन्ह पहुँचाई

॥ दोहा ॥

सो निरबंशी राजा, कन्या हितकर लीन्ह।

सो पुनि जाय कन्तपुर, अनन्द बधावा कीन्ह॥५२॥

॥ चौपाई ॥

अर्जुन मुनो मोर सतभाऊ। राखेउ भवन कन्याकर  
 वर्ष सात की भई कुमारी। बरचिन्तानृपमनहिबिचा  
 दासराज राजा इक आही। कन्या ताहि पुनीत बिवाही  
 करिबिवाहराजालैआवा। मुद समेत नृप बिदा करावा  
 आश्विनमासपक्षउजियारा। पितृकाज करहिं संसारा  
 जहाँ पितृकाज नृप होई। तेहि दिनरजौवतीभइसोई  
 मुनिराजाजियचिन्तालाई। दरवानी कहँलीन्हबुलाई



पण्डितजनसब लावहु जाई। ब्राह्मण कहैं करां सा जाई

॥ दोहा ॥

पण्डित ऋषी बुलाइके, भाषा सब व्यवहार ।

पितृकाज तिय रजवती, तेहिकर कवन बिचार ॥ ५३ ॥

॥ चौपाई ॥

ब्राह्मण कहैं पितृकर काजा । वर्ष राज महँ होवे राजा  
आजुहि पितृकाज नृप होई और लगन धरि सकैं कोई  
पितृकाज सब बिप्र लगाये । राजा तुरत शिकारहि धाये  
अर्जुन सुनु बिधिके संयोग ॥ हरिणा हरिणि कर हिरस भोगा  
देखत मोहित भयउ भुवारा । रति पति त्रसित भयो तेहि बारा

॥ दोहा ॥

॥ एक बनाइ नृप, बीज धरा तेहि माहिं ।

लहै एक बुलाय के, सौंप दीन्ह तेहि पाहिं ॥ ५४ ॥

॥ चौपाई ॥

राजा कहै चील्ह लै जावहु । राखन रानी कहैं पहुँचावहु  
कहेउ बीच राखहु घर सोई । गर्भ रहै तो बालक होई  
इहिविधि चील्ह तुरत ले जाई । नदी बीच एक आपति आई  
एक चील्ह ऊपर ते आई । दोना आधा फार लै जाई  
दुइ बुन्द बीजन दीविच पर ऊमछली एकता हिलि लिय ऊ



गर्भवती मछली भै वाई । खेलि शिकार राज घर जाई  
 पितृकाजतबकीन्ह भुवारा । जो कछु राजनको व्यवहारा  
 यहि बातन कछु अन्तरपरी । केवट जाल मछली सो धरी  
 लै मछली राजा कहँ दीन्हा । राजा बहुत प्रेम करि लीन्हा  
 कहेउ कि मछली उत्तम आही । जेवन हेतु बनावहु याही  
 लै करमीन बनावन गयऊ । तब इक बालक कन्या भयऊ  
 हँसिके बालक भाष्यो तबहीं । बोल्यो नृप जो राखहु अबहीं  
 नृपदासी तब अचरज कीन्हा । मछली गर्भ उतरक सदीन्हा  
 राजा मछली फेरि मँगावा । अपने आगे बैठि चिरावा  
 राजा बैठे देखहि ताही । इक बालक इक कन्या आही  
 राजा बहुत हर्ष मन कीन्हा । बालक लै रानी कहँ  
 केवट कहँ नृप लीन्ह बुलाई । लै कन्या ताही स  
 अपुत्रीक केवट सो आही । कन्या देखि हर्ष मन माहा  
 जो बालक राजा लै राखा । मच्छनारायन नाम सो राखा  
 राजा भयउ राजा के अन्ता । अब सुनु कन्या कर विरतन्ता  
 कन्यारत्न जो केवट लीन्हा । नाम अगौती तेहि को दीन्हा

॥ दोहा ॥

तेहि कन्या कहँ अर्जुन, केवट अस मन दीन्ह ।



जीवन आसा जानिके, सेवा बहु विधि कीन्ह ॥५५॥

॥ चौपाई ॥

सेवा करत बहु तदिन गयऊ । यहि विधि वर्ष सातकै भयऊ  
केवट घाट करै घटवारा । जो कोउ जाय उतारै पारा  
बैठि नाव पर कन्या अहई । आपन कर्म सिखावत रहई  
सुखसुखलोकै तिकदिन गयऊ । एकदिन केवट व्याधित भयऊ  
केवट व्याधिव्यथ हिम हँधावा । घाट सौं पिकन्या कहँ आवा  
कन्या बैठी अपने भाऊ । विधिसंयोग अग्निशर आऊ  
मुनिपाराशर आसन जायो । देखे केवट घाट न पायो  
फिरि देखो कन्या एक आही तब ऋषि बचन कहाते हि पाही  
कहेउ देउँ कछु तोहीं । नदी पार उतार तैं मोहीं  
कहै अन्य ना लेऊँ । बैठहु नदी पार करि देऊँ  
न ता दुखित हैं मोर गोसाँई । दया करो व्याधि क्षय जाई  
बोले ऋषी भयउ तव काजा । पिता तुम्हार नीक भाआजा  
तुम अपने मन सोचन आनहु । बचन हमार सत्य करि मानहु  
पिता तुम्हार नीक है जाई । आपनि अवशिरो गक्षय पाई

॥ दोहा ॥

इतना भाषि ऋषीश्वर, बैठि नाव पर जाय ।



कन्या बैठी डाँड़ लेइ, दीन्हेसि नाव चलाय ॥५६॥

॥ चौपाई ॥

थोरी दूर नाव जब आई । उत्तम बात ऋषी चित लाई  
उत्तमघड़ीअहै यहिबारा । और नारि नहिं साथ हमारा  
यहि बेरा जो सोरतिमाना । होवै सुतत्रिलोक जेहि जाना  
चारि बेद मुखपाठ बखानै । अष्टादश पुराण सो जानै  
तबहिं परस्पर कह्यो बिचारी । सुनहु बचन केवट को बारी  
जगतमध्यतुम्हारयशरहहीं । मानहु बचन जो साँच हम कहहीं

॥ दोहा ॥

हृदय बिचारि पराशर, कहेउ बचन परमान ।  
सुन्दरि सुनहु सुलोचनी, देहु मोहिं रतिदान ॥५७॥

॥ चौपाई ॥

तब कन्या मन बहु तल जानी । ऋषिसन बोली अ  
देहगंध मम मत्स्य समानी । मैं बाला कुछ भेदन जाना

॥ दोहा ॥

कहा देखि मोहिं रीभेउ, कीन्हो चहुहु प्रसंग ।  
तुम्हें योग हम नाहि हैं, केहिविधि लागहुँ अंग ॥५८॥

॥ चौपाई ॥

तब ऋषिबोल बचन रसाला । यह नहिं सोच करौ तुम बाला



हम आज्ञा दीन्हा भगवती । होहु तुरत तुम यौवनवती  
 देह तुम्हार सुगन्ध बसाई । बास सु चार कोसलों जाई  
 योजनगंधनामतेहिदीन्हा । होहु तुरत हम आज्ञा कीन्हा  
 ऋषी बचन को मेटनहारा । भयउ तुरत ना लागेउ बारा  
 कहेउ कि रति दे केवट बारी । औरौ मैं कछु कहौ विचारी  
 ॥ दोहा ॥

कन्या बोली हर्ष के, तब आज्ञा शिर लेउँ ।  
 दोनों दिशा मनुष्य हैं, कैसे कै रति देउँ ॥५६॥  
 ॥ चौपाई ॥

तब ऋषि अपने मनै विचारा । कुहिरा जन्म भयहु तेहि बारा  
 गिरा भोकहान जाई । दिन के तुरत रात है जाई  
 भयमति हर्षवन्त मन कीन्हा । रतिरसदान नावपरलीन्हा  
 हराते कछु देर न भयऊ । व्यास जन्म तेहि ठौर हि भयऊ  
 जन्म भयउ अरु बाढ़ी काया । कहीन जाय विष्णु की माया  
 अर्जुन सुनहु कहैं भगवाना । चार वेद मुख पाठ बखाना  
 ॥ दोहा ॥

व्यास जन्म तोहि भाषेऊ, सुन अर्जुन चित लाय ।  
 जन्म जन्म कर पातक, पढ़त सुनत क्षय जाय ॥६०॥



॥ चौपाई ॥

मुन अर्जुनतिनकोव्यवहारा । ऋषीउतरिगेपहिलेपारा  
 ब्यासदेव तब बैठे जाई । परमज्योतिमहँ ध्यान लगाई  
 ऋषिमुन्दरिसेसबरसलीन्हा । कन्यारूपफेरितेहिदीन्हा  
 पुनिस्नानकरिकीन्हपयाना । तिनकोबिदाकीन्हसनमाना  
 सो कन्या अपने घर आई । पाराशर तब बैठे जाई

॥ दोहा ॥

दासराज नृप कन्या, मीन गर्भ अवतार ।

यहिविधिजन्मेब्यासमुनि, मुनहुसोकुन्तिकुमारा ॥ ६१ ॥

॥ चौपाई ॥

तब अर्जुन उठि सेवा लाई । ब्यास जन्म जानेउ यदुराई  
 सकलपुराणनब्यासबखाना । याकोअर्थकहहु  
 आदिपुराण कवनप्रभुभाखा । अष्टादश बेवरा

॥ दोहा ॥

आदि पुराण प्रभु भाषहु, मेटहु मोरा शोक ।

अष्टादश पुराण महँ, केतिक हैं श्लोक ॥ ६२ ॥

॥ चौपाई ॥

मुनु अर्जुन जो पूछेहु मोहीं । भिन्न भिन्नकरिभाषोंतोहीं  
 प्रथम ब्रह्मपुराण जो आसी । दश सहस्र हैं पद्य सतासी



पद्मपुराणअनूपजोकीन्हा। पंचपनसहस्रपद्यशुभलीन्हा  
 तेहि पाछे भो विष्णुपुराणा। तामें तेइस सहस्र बखाना  
 शिवपुराण सबही निर्माई। चौबिस सहस्रपद्यसुखदाई  
 कीन्हे पुनि भागवत पुराणा। सहस्र अठारह पद्यबखाना  
 मुनि नारद पुराण जोभाखा। सहस्रपचीसपद्यतेहिराखा  
 मार्कण्डेयपुराण जो आही। नव सहस्र श्लोक हैं ताही  
 तेहिपाछेभो अग्नि पुराणा। पन्द्रह सहस्र सुपद्यबखाना  
 तेहि पाछे भविष्य उपराजा। चौदह सहस्र पंचशतराजा  
 फेरि ब्रह्मवैवर्तपुराणा। सहस्र अठारह पद्य पुराणा  
 ताके पाछे बराह बखाना। चौबिस सहस्र पद्य पुराणा  
 ऐतिह्यकन्दपुराण बनावा। सहस्र इकासी पद्य सुहावा  
 मेघदूत पुराण जो आही। दस सहस्र श्लोक है ताही  
 कल्पजाया कूर्मपुराणा। सत्रह सहस्र पद्य परमाणा  
 मत्स्यपुराण सुरम्य बनाई। चौदह सहस्र पद्य सुखदाई  
 गरुड़पुराणकीन्ह ऋषिसत्तम। उनइस सहस्रपद्य है उत्तम  
 पुनि ब्रह्माण्डपुराण बनावा। बारह सहस्र सुपद्यसुहावा

॥ दोहा ॥

एक एक कर भाषेउ, पुनि कीन्हो सब थोक।



अष्टादश पुराण महँ, चारि लक्ष श्लोक ॥६३॥

॥ चौपाई ॥

व्यासपुराण अठारह कीन्हा। सो अर्जुन तुम सों कहि दीन्हा  
चारि लक्ष श्लोक तिन माहीं। इनमें घाटि बाढ़ि कछु नाहीं  
जो कोइ घाटि करे मन माहीं। लिखनहार शिर दोष कराहीं  
सुन अर्जुन तो परम मदाया। हम तुम एक दूसरी माया  
तेहि कारण कछु भेदन राखा। उत्पति परलय सब मैं भाखा  
कह अर्जुन सुन नन्दकुमारा। दासन को संकट किमिटारा  
सुन अर्जुन जेहि सङ्कट परहीं। निश्चय मोरनाम चित धरहीं  
ताकर संकट काटों जाई। दुष्ट मारि तेहि देउँ छुड़ाई  
जेहि जेहिकर मैं संकट टारा। सो तोहि भाषा कुन्ति कु  
एक समय बिधि अवसर राजा। पानी पियन गयोग ज  
तृषावन्त जल भीतर जाई। ताहि ग्राह एक पकसों  
काल समान धरा अस ताहीं। गजकर जोर चला कछु नाहीं  
खेंचि ग्राह ले चलानि दाना। गजको काल आइन गिचाना  
अति हि कष्ट गज भयो दुखारी। महा बिकल है कहै सिपुकारी  
कृपा सिंधु मोहिं लेहु उबारी। परेउ अथाह अगम जल भारी  
हम सति भामा खेलैं पासा। पुरी द्वारिका मध्य निवासा



यहि अन्तर गजराजपुकारी । सत भामा कहपासाडारी  
सत्रहसहस्रयोजन गजराजा ताको कानन सुने उँअवाजा  
पासा डारि चल्याँ अकुलाई । सत भामा तब कहा रिसाई  
केहि राखेउ को है यहि ठाई । खेलत माया करो गुसाई  
पासा मोर परो तुम देखा । मैं अपने खेलब करि लेखा

॥ दोहा ॥

तबहि कृष्ण हँसि बोले, तुम जनि जानहु मन्द ।  
ग्राह गहा गजराज कहँ, ताकर काटौ फन्द ॥ ६४ ॥

॥ चौपाई ॥

तब सति भामा अचरज माना । यह सभ भाय कहो भगवाना  
मैं जानत हौं तुमहि गोपाला । दयाधर्म तुमहीं नँदलाला  
सहस्रयोजन गजराजा । ताकर कैसे सुनेउ अवाजा  
मसत्य कहहु यह बानी । मोहिं दिखावहु सारङ्ग पानी  
नहीं गरुड़ हँकारेउ बीरा । तेहि चढ़ि गय ऊताहि के तीरा  
ग्राह परा देखा जलमाहीं । चक्र घाव सो मारा ताहीं  
हस्ती ठाढ़ रहेउ जलतीरा । थरथर काँपत सकल शरीरा  
जब सति भामा देखा जाई । तब बहुबिधिकै अस्तुतिलाई  
द्रुपद सुता की लज्जाराखी । सो अर्जुन देखो तुम आँखी  
संकट से प्रह्लाद उबारा । सो तुम जानहु कुन्तिकुमारा



हिरणकश्यपको उदर विदारो। अंत्रनमालगलेमहँडारो  
 मार्कण्डेय सुनो हम पाहीं। ब्राह्मण केनन्देनतोआहीं  
 तीनलोकजबपरलयभयऊ। बूढ़नलगेयादमोहिंकियऊ  
 कहेउ कि बूढ़ेसारंगपानी। गर्भान्तरराखेउँतेहिआनी  
 धन्य गरुड़विनतासुतभाषा। अस्सी युगपीढ़ीपरराखा  
 तेहिऊपरतनुसकन सम्हारी। अक्षयवटतरदीन्हउतारी

॥ दोहा ॥

ब्याकुल भयो विनतासुत, जानेउ मन में बीर।  
 तेहिपुनि कीन्हेउ गर्वबहु, बैठि रह्यो मतिधीर ॥६५॥  
 अर्जुन कहे सुनो यदुराई। मेरे चित शङ्का कछु आई  
 तुमरे कैसे उदर समाना। संशय बड़ उपजा भगव  
 सुनअर्जुन तोहिंकहौँबुझाई। सबै मोहि मों सबै स  
 सप्त उदधिपृथ्वीनवखंडा। मेरु सुमेरु सकल ब्रह्म  
 जहँलगिसृष्टिकहौँतोहिंपाहीं। तीनलोकममउदरके माहीं  
 विनतासुतजोबहिनीभाई। शतयोजन ताकरचकलाई  
 पची एक गरुड़ते भाखा। पूछेउ स्वामी तुमसब राखा  
 तीनलोक में जो कछु आहीं। सो देखहु मेरे घट माहीं  
 भक्तिभाव जानेउँ मैं तोरा। तुम मौसी सुत भाई मोरा



तुममें भेद कहों समुझाई । और के बूते जानिय जाई  
अर्जुन कहै सत्य यदुराई । मैं तुम्हार मौसी सुत भाई  
जातहि भेद अज्ञानहि मेटी । कुन्ती उग्रसेन की बेटी

॥ दोहा ॥

अर्जुन कहै गोसाँई जी, सो तुम करो उपाय ।  
तुम्हरे चरण कमल तजि, चित्त अनत ना जाय ॥ ६६ ॥

॥ चौपाई ॥

अर्जुनसत्यवचनसुनमोहीं । मैं अपने हित जानौं तोहीं  
बहुत भाँतिका कहों बुझाई । नाम जो मोरभजहि चितलाई  
चितलाइ नाम मम जोई । तेहि समान अर्जुन ना कोई  
नयम कोटि जो सहहि शरीरा । नाम मोरछाड़ै नहि वीरा  
औ द्रव्य न मनमें जानै । दुखसुखको शंका नहि आनै  
एक जन्म दुख पावे सोई । कोटि जन्म ता कहँ सुख होई  
चितदे नाम जपै जो बीरा । ताके पाप न रहै शरीरा  
नाम ब्रह्मचित से धरि जाना । सो प्राणी है देव समाना  
अर्जुनसत्यसुनो हम पाहीं । रामभजनविन अरु कछु नाहीं  
कोटि न तीरथव्रत जो जाना । नहि अर्जुन है नाम समाना



\* अर्जुन-गीता \*

४५

॥ दोहा ॥

उदय अस्त सब जाके, चार वेद मुख जान ।  
कोटि कोटि गुण जाने, नाहि न नाम समान ॥६७॥

॥ चौपाई ॥

सुनहु अर्जुन पाण्डु कुमार । नाम की महिमा लिखै विधारा  
कल्पवृक्ष के कलम बनाई । घासपात तब लीन्ह जलाई  
राख समेटि सिंधु महँडारी । प्रथम कीन्ह बहु विधिविस्तारी  
सात समुद्र कीन्ह मसिमानी । धरती कागद कीन्ह मुहानी  
लिखिलिखि सगरो भूमि सिराई । नाम की महिमा लिखी न पाई

॥ दोहा ॥

इतनी कीने सरस्वती, सुन अर्जुन चितलाय ।  
महिमा मोरि न जानै, कोटिन कर उपाय ॥

॥ चौपाई ॥

अब सुन अर्जुन कहौ बुझाई । महिमा मोरि भक्त कछु पाई  
सो भवसागर जाने कैसा । कुसुमरंग अमरावति जैसा  
जो कछु तीन लोक में आही । एकौ दृष्टि न आवे ताही  
सप्त पताल अपर ब्रह्मण्ड । सप्त द्वीप पृथ्वी नखण्ड  
तीन लोक अर्जुन यह वाही । जो दर्पण अस देखे ताही



चंद्रसूर्य दीपक अस जानै । कामदेव मर्कट सम मानै  
 धनदसमान धनीको उआही । दुखिया सम जानै तेवाही  
 उनचास कोटि मरुत है कैसा । नासापवन बहत है जैसा  
 अर्जुन सुनो कल्पतरु जोई । जाने एक बृक्ष है सोई  
 सात समुद्र नीर अति भारा । सो जानत है बुद्ध धारा  
 इन्द्र समान राज नहिं कोई । रंक सम न बुझावै सोई  
 गिरि सुमेरु को मनसों कहहीं । देला एक धरा जनु अहहीं  
 हिम गिरि कहैं मानहिं वैकैसे । अति हीलघु एक कीट है जैसे  
 बरुणहि ते जानत हैं कैसा । जल में एक कीट है जैसा  
 बृहस्पति को मूर्ख कै मानै । पुष्प सदृश तारा गण जानै  
 नयन दृष्टि न आवत ताही । नर बरै केहि गिनती माही

॥ दोहा ॥

अर्जुन कहा गोसाँई जू, वह कीजै परकास ।  
 जन्म जन्म मन चितरहे, हरि के चरण की आस ॥ ६६ ॥

॥ चौपाई ॥

अर्जुन सत्य बचन सुन मोहीं । गीता ज्ञान कहों मैं तोहीं  
 आवागमन तोर नशि जाई । कोटि जन्म कर पाप न शाई



छौशास्त्रमथिकैजब लीन्हा । रामरतन गीतातब कीन्हा  
 श्रीमुखमैभाष्योतोहिजोई । तेहिसमानजगमेंनहिंकोई  
 ताके गुणसुनि कुन्तिकुमारा । जब यह ग्रन्थ चले संसारा  
 कथा ठौर बैठे जो कोई । ताहि मोक्ष की प्राप्ती होई  
 राखै सुर पुराण यह गीता । क्षत्रिय पढ़ै सोरणमहँजीता  
 संत असंत पढ़ै जो कोई । ज्ञानवन्त उत्तम गति होई  
 चित देके जो पढ़ै सुनावै । यमदूतन्ह नहिंताहिडेरावै  
 निश्चयमन जे पढ़तैरहई । जहाँ जात चिन्ता नहिकरई  
 गीता पढ़ै सुने जो कोई । बुद्धि होय तो छूटै सोई  
 आधिब्याधिहै जाके अंग । गीतापढ़त तजतसोसंगा  
 दुष्ट चोर ठग तहाँ न रहई । राजा प्रजा की रक्षा  
 जेतिकगुणगीतामेंआही । आदिअंतकहिसकौन  
 तीन दिवस जो पढ़ै सुनावै । कोटिकोटिगुण कहतन  
 देवन करै पाठ यह गीता । मानव पढ़ै सुनै यह गीता  
 दुख दरिद्र सब जात पराई । गीता पढ़ै सुनै मन लाई  
 रामरत्न गीता प्रभुभाखा । परम तत्त्व अर्जुन करिराखा  
 श्रीमुख गीता पूरण भयऊ । अर्जुन कर संशय मिटिगयऊ  
 अर्जुन कृष्ण गूढ़ यह कीन्हा । रामरत्न भाषा करि दीन्हा

॥ दोहा ॥ श्रीगोविन्द औ पार्थ मिलि, परम गूढ़ यह कीन्ह ।  
तिनके चरण कमल चित, कुशलसिंह चित दीन्ह ॥

\* इति \*



दृष्टि  
नयन

कहे





## उपनिषदों का सेट

[ अनुवादक—रायबहादुर बाबू जालिमसिंहजी ]

जिसे पाकर कुछ भी पाने को नहीं रहता, जिसे जानकर कुछ भी जानने को नहीं रह जाता, जिसे प्राप्त करने के लिए बड़े-बड़े चक्रवर्ती सम्राटों ने वसुंधरा के साम्राज्य को तृणवत् त्याग दिया, उसी परम पुनीत ब्रह्म-विद्या के मुख्य स्रोत समस्त उपनिषदें हैं। यों तो उपनिषदों की संख्या ११५ से भी अधिक है, पर उनमें से १० मुख्य हैं। उन दसों उपनिषदों की टीका—सुन्दर टाइप और पुष्ट कागज़ में, बड़ी सुन्दरता-पूर्वक, छपी तैयार है। टीका का क्रम यह है। पहले मूल, फिर पदच्छेद, फिर दो कालमों में संस्कृत अन्वय और प्रत्येक शब्द के आगे हिन्दी-अर्थ और सबके नीचे सरल हिन्दी में भावा। इतनी सरल शैली से उपनिषदों की टीका कहीं नहीं छपी। पृष्ठ और मूल्य इस प्रकार है।

नाम	पृष्ठ-संख्या	मूल्य	नाम	पृष्ठ-संख्या	मूल्य
(१)	ईश	३६ ॥	(६)	मांडूक्य	२२ ॥
(२)	केन	४४ ॥	(७)	ऐतरेय	५८ ॥
(३)	कठ	१३८ ॥	(८)	तैत्तिरीय	१३६ ॥
(४)	प्रश्न	६६ ॥	(९)	छांदोग्य	६७२ ३॥
(५)	मुंडक	६४ ॥	(१०)	बृहदारण्यक	७५० ३॥

## भगवद्गीता

मूल संस्कृत तथा रायबहादुर बाबू जालिमसिंहजी-कृत टीका-सहित। टीका का क्रम उपनिषदों के समान है। पृष्ठ-संख्या ८७६ मूल्य सजिल्द २॥

नोट—अन्यान्य ग्रंथों के लिए बड़ा सूचीपत्र मुफ्त मंगाकर देखिए। मिलने का पता—मैनेजर, नवलकिशोर-प्रेस, (बुकडिपो), हज़रतगंज, लखनऊ.

Printed by K. D. Seth at the N. K. Press, Lucknow.